



Broj: 04/1-14-9-6-6-1/18  
Zenica, 26.07.2018. godine

## ODLUKA O IZMJENAMA TENDERSKE DOKUMENTACIJE U POSTUPKU JAVNE NABAVKE PELETA

Na osnovu člana 39. stav 3. i člana 53. stav 6. Zakona o javnim nabavkama (Sl. glasnik BiH br. 39/14), direktor JU Centar za djecu i odrasle osobe s posebnim potrebama ZDK donosi Odluku o izmjenama i dopunama tenderske dokumentacije.

### Član 1.

Ovom Odlukom mijenja se i dopunjuje:

a) tačka 2.1.1. te glasi

U svrhu dokaza o ispunjavanju uslova lične sposobnosti iz tačke a), ponuđač je dužan dostaviti uvjerenje izdato od Suda Bosne i Hercegovine, sa datumom izdavanja ne starijim od mjesec dana od dana dostavljanja ponude (original).

Kao dokaz ispunjavanja uslova iz tačke b), ponuđač je dužan dostaviti:

- izjavu, ovjerenu kod notara ili nadležnih organa, sa datumom izdavanja ne starijim od 15 dana od dana predaje ponude, original ili ovjerenu kopiju, i

- aktuelni izvod iz sudskog registra, sa datumom izdavanja ne starijim od 3 mjeseca od dana računajući od dana dostavljanja ponude, original ili ovjerenu kopiju.

Kao dokaz ispunjavanja uslova iz tačke c), ponuđač je dužan dostaviti potvrdu nadležne poreske uprave ili, ukoliko se radi o ponuđaču koji nije registrovan u Bosni i Hercegovini, potvrdu ili izvod iz evidencije na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje, original ili ovjerenu kopiju, sa datumom izdavanja ne starijim od tri mjeseca od dana dostavljanja ponude.

Kao dokaz ispunjavanja uslova iz tačke d), ponuđač je dužan dostaviti potvrdu nadležne/ih institucija o uredno izmirenim obavezama po osnovu direktnih i indirektnih poreza, original ili ovjerenu kopiju, sa datumom izdavanja ne starijim od tri mjeseca od dana dostavljanja ponude.

Napomena: Ukoliko ponuđač ima zaključen sporazum o reprogramiranju obaveza, odnosno odgođenom plaćanju obaveza po osnovu doprinosa za penziono-invalidsko osiguranje, zdravstveno osiguranje, direktne i/ili indirektno poreze, dužan je dostaviti sporazum nadležne institucije/a da u predviđenoj dinamici izmiruje svoje reprogramirane obaveze.

b) Tačka 8. zbog greške u pisanju, te ista glasi:

Ugovorni organ: JU Centar za djecu i odrasle osobe s posebnim potrebama Zenica

Ulica i broj: Saliha Cakana Mulalića br.5

Datum: 31.07.2018. godine

Vrijeme otvaranja ponuda pristiglih do krajnjeg roka za prijem ponuda: 14,00 sati.

Sve ostale tačke ostaju nepromijenjene.


### Član 2.

Odluka o izmjenama i dopunama tenderske dokumentacije će biti objavljena na Portalu javnih nabavki danom donošenja Odluke.



Član 3.

Ova Odluka stupa na snagu danom donošenja, te se za njenu realizaciju zadužuje referent za ekonomsko-finansijske poslove.



**DIREKTOR**

*Meldina Ugarak*  
Meldina Ugarak

Dostavljeno:

- 1 x Web portal e-nabavke
- 1 x web stranica Ustanove
- 1 x ponuđači
- 1 x a/a